

69. fundur

Fundur atvinnumálanefndar Stykkishólmsbæjar var haldinn 30. janúar 2007 kl. 20:30 í Ráðhúsinu. Mætt voru Þorsteinn Sigurðsson, Magnús Bæringsson, Ólafur Guðmundsson, Berglind L. Þorbergsdóttir og Erla Friðriksdóttir. Gestir voru frá Eflingu Stykkishólms, Dagbjört Höskuldsdóttir, Magnús Alexandersdóttir, ásamt nemendum Gyðu Steinsdóttur og Írisi Huld Sigurbjörnsdóttur.

Formaður bauð fundarmenn velkomna. Fundarefnið er kynning Gyðu Steinsdóttur (GS) og Írisar H. Sigurbjörnsdóttur (ÍHS) á hugmynd að lokaverkefni við Háskólann á Akureyri.

Formaður gaf þeim orðið.

GS og ÍHS kynntu hugmyndir sínar varðandi verkefnið.

GS og ÍHS eru að ljúka námi sínu í viðskiptafræði við Háskólann á Akureyri nú í vor. Vilji GS og ÍHS er að vinna lokaverkefni tengt bæjarfélaginu á einhvern hátt sem vonandi geti nýst Stykkishólmsbæ að einhverju leyti. Í tengslum við hugarflug varðandi hvaða verkefni skyldi velja kom upp sú hugmynd að vinna verkefni tengt stefnumótun bæjarfélagsins í atvinnumálum.

Hugmyndin snýst um að Stykkishólmsbær móti sér framtíðarsýn í atvinnumálum. Til þess að svo megi verða þarf að greina stöðuna, sterk og veik svið og meta á hvaða sviðum er hægt að byggja til framtíðar. Hugleiða þarf hvernig sveitarfélag við viljum vera og hvaða markhóp við viljum stefna á í framtíðinni.

Vonandi tekst með þessari vinnu að búa til verkfæri sem atvinnumálanefnd og atvinnuvegirnir í bænum geti nýtt sér og sem Stykkishólmsbær getur nýtt sér til stefnumótunar í öðrum málaflokkum.

Í lok kynningar var kallað eftir álitum fundarmanna á þessum hugmyndum og fyrirhuguðum næstu skrefum.

Miklar umræður urðu um málin og ýmsar hugmyndir komu fram. Rætt var m.a. um tekjuskiptingu, hvernig sækja á fólk, húsnæði fyrir fatlaða, heita vatnið, gögn frá íbúáþingi, heilsuvatnið, sögu og menningu bæjarins, og í framhaldinu um stofnun vinnuhóps.

Fundarmenn voru sammála um að vinnuhópur verði stofnaður, gæta þurfi þess að hann verði ekki of stór en samt breiður hópur. Bæjarstjóri lagði til að formaður atvinnumálanefndar og formaður Eflingar ásamt verkefnisstjórum setji niður hugmynd að fulltrúum í vinnuhóp.

Rætt var um mikilvægi þess að þó að vinnuhópur sé stofnaður þá eru atvinnumálanefnd og Efling ekki stikkfrí. Á milli funda þurfi bæði Efling og atvinnumálanefnd að funda og taka þátt í vinnunni og kasta á milli sín.

Rætt um aldursskiptingu, samfélagslega virkni íbúa á misjöfnum aldri. Fá hugmyndir frá unglingunum okkar og eldra fólkinu líka.

Viljum fara eitthvað, hvað viljum við vera, hvernig ætlum við að komast þangað?

Í lok fundar þakkaði bæjarstjóri frumkvæðið sem þær stöllum sýna.

Formaður þakkaði fundarmönnum fyrir komuna

Fundargerð upplesin og samþykkt.

Fundi slitið kl. 21.50.